


梧溪集卷之五

江陰王逢原

哀尹伯奇一首寄楊鐵崖

有序



鐵崖楊先生嘗擬古操十見寄且徵同賦逢豈敢當姑  
 哀尹伯奇一首答之今附其四操其箕山操擬巢父作  
 曰箕之山兮可耕而樵叶囚箕之水兮可飲而游牽牛  
 何來兮飲吾上流彼以天下讓兮我以之逃叶投世豈  
 無堯兮應堯之求吾与堯友兮不与堯憂其前旌操擬  
 衛汲壽作曰爾乘舟兮河且濁且深我同舟兮擔与爾  
 同沉母有命兮諫不我聽示旌以道盜兮我先以旌衛有  
 國兮國在兄殺兄及我兮我不如無生其履霜操擬尹

伯奇作曰霜鮮、兮草芟、兒有罪兮兒宿野田衣荷  
之葉兮葉易穿採荷花以食兮食不下咽天吾父兮天  
胡有偏我不父順兮父寧不兒憐履晨霜兮泣告天其  
殘形操擬曾子作曰我夢有獸兮其獸曰狸、有恠兮  
身首異而告我以凶兮戒而戒而我丘有首兮誓死完  
以歸逢辭曰

比屋可封兮孝微稱重華大孝兮後莫有承孝後母兮伯  
奇權輿彼檉荷兮天將用符晨霜涉兮尚俾寧遺軀

擬古二首寄題金陵林氏永思堂

春陽熙、從候于淇祿積萬鍾車服是維彼淇有源伊誰

無親負米為養曾不滿豆殮淇水委、霜露疊、戴望故  
丘心曷能已

右擬子路作

秋日杲、有培者東載見之華及寔之老言采于庭於粲  
于筐參也可嗜考也可忘口奉惟薄體愛惟厚庶幾全歸  
狐正丘首

右擬曾子作

張氏通波所表辭有序

張氏宗丞相商英裔也高宗渡南子孫居杭之菜市八  
世祖某遊松愛千山櫻珠灣遂家焉六世祖七八居士

又自灣遷鳳山陽祥澤滙躬戠農畝奉親孝生通儉朴  
恬慎事繼母犹所生遇冬雪掃隙地撒粟以食凍禽翔  
集者千數通往來慈烏或有翼而隨者壽至九十三  
生顯博閱書傳尤精梵典及星曆山經地誌之學攻苦  
恬淡如父風与儒釋倡和詩偈若干首傳于鄉壽八十  
四生俊廣額豐耳美髯鬚音吐如鐘涉諸子學長于刑  
書中慈而外剛見善若睹視惡則視如仇鄉閭共以其  
弗諾為曲直人員不平不之邑而之俊咸稱之曰張片  
言尤好施賑貧救難鑿義井造義舟建大石梁者三壽  
七十生三子愷悌瑤愷生子曰龍曰鳳悌生子曰興曰

睢瑤謙厚長者生子曰麒女曰妙齡適盧祥龍生宗仁  
宗礼鳳生宗義興生英麒生斌桓麒讀書好礼以宗譜  
未脩懼喪乱之餘弥遠弥失乃即祖塚通波之原徵前  
進士會稽揚公維楨為阡表復徵逢撰家廟辭勒之碑  
陰可謂知所本也已夫積善慶澤流衍五世迨麒緒業  
益脩華益聞著公戾復始于是乎在辭曰

鳳之秀兮維陽盤渦沃兮澤嘉祥田膏壤沃兮物無疵癘  
天祕地藏兮鬱吉岡暑寒兮露雨甘有醴兮肥有豸紛  
須白兮降登蘭忻兮玉語雲陰凝兮風淒色悅凍禽  
兮下粒食伐石剝木兮以梁以舟民免揭厲兮鱷擾馴安

流眷門闕兮宗相裔德深植兮善廣執頌無往兮不復被  
服纓袞兮再世其世

荒寒寂寞圖為分湖陸緒端叔題

風捲藿水返壑天同雲兮雪零落彼何人兮斯旅泊樂夫  
荒寒寂寞惟寂寞遠囂郭惟荒寒謝朝冠于以終盤桓

濯足小像辭有序

天台陶氏九成名宗儀號南村居士明經博學養高雲  
間与予友善嘗為贊騎牛像曰望一男子冠裳清灑有  
青其捷騎之林下于是白雲冒嶺黃落被野後則加鞭  
前則執鞞雖心乎甯田官而于芥小白為曠世之交雖

點乎梁進士而于高無賴無半面之雅蓋將德業丘山  
富貴土苴尚友飲水上流之樊父度關西游之老者也  
欵今復為題是像云

水澆兮其流為谷爾濯爾足載捫爾跗兮無朔漠之瘡  
谷沈兮其水則淺爾足爾澣載撫爾踵兮無閼山之跣維  
沐彈冠兮維浴振水敞屐忍棄兮疇知幾微孺子設作兮  
滄浪同歸

審安齋二首有序

顧或孔文扁其齋廬曰審安予為賦詩揭座左右以儆  
焉

有皎者駒刷朝秣哺置之通衢弗蹶弗瘠子其驅有華者  
衣長珮帶重蒙犯煙醫以垢以緇子其辭噫富貴倘來尚  
相夫宜兮

有圭者窬高蓬其居風雨攸俱四壁以虛而子晏如有磽  
者田勞力其干兵荒無年甌石以眠而子恬然噫貧賤不  
迂斯樂夫天兮

知愧吟一首

日吾齋兮書琴夕吾園兮冠衿冬游熱兮春載陰薜絡堦  
垣兮菌弥中林弘無弦鏘兮天狼角岑屯泣旅瑣兮焚  
音越吟啜醜于觥兮作麋于鬻奚勿知愧兮猶有蓬心

後取間園辭

園中雜題附

天工覆兮地工載予最間兮罪之大喪亂仍兮屢裁悔才  
力耗兮壯志怠霜露氣變陰草木流哀音淵逃賴尾魚野  
啄翫兮禽弗慨以慷兮而嘯且吟斯吟歎兮樂哉恒心

有蒸兮綠池類鷄蕪兮葉華滋彼袞摛兮悅施予芼湖  
兮祖禰其祠月中天兮夜何具尚日新兮致思

右蒸德池

蛾眉兮漫綠聯翠袖兮湘澳有夫君兮配天泪奚必兮  
染竹水落兮歲晚子倚石兮茲坂手參差兮長年鳳不  
回兮愈遠

右懷湘坂

鳥上下兮和鳴花醞醇兮交榮日奄忽兮曾幾花就寔  
兮鳥鸛鳴鳥鸛鳴兮魚亦有礁幽草氣芳兮嘉藻綠滋世有殷  
周兮麥秀黍離墟道闕兮慈者其誰白駒老槃兮予淑  
諸私

右樂意生香臺

谷之小兮不量駝馬谷之卑兮不樹梧櫛谷之僻兮慵  
衆攸舍散木蒼蔚兮亂石紺珂庶全幽貞兮日尚年其  
下

右幽貞谷

鑠石兮金流汗與喘兮莫匪馬牛古苔畝青兮岡木挺  
脩涼颼沃如兮心神天游天無獨私兮馬牛其休

右擢風所

雲結兮歲殘木脫兮草乾天地否塞兮冰雪沍寒閉闕  
而臥兮莫敢士干莫敢士干兮安所守也士之周兮亦  
可受也

右臥雪窩

中園兮溝斷跨石梁兮入竹坂春雨歇兮綠苔滿飛燁  
霞兮蒲荊水短忍濯足兮釣言消憂翠碧交飛兮天守  
淨流境則勝兮終不如故丘

右流春石

石岩碧兮歎蒼勢迴瞰兮扶桑脫神鞭兮既驅將與延  
兮朝光霧縠維朝兮摻熒維夜草春怒長兮陰木翳夏  
穹日觀兮東岱觀雲臺兮西華天風冷兮空翠吹下  
靈感昏降兮揖衣擬謝金鷄鳴兮於烏夙駕  
右海曙岩

澁懷三疊 有序

柘湖章仁正氏敦善禮士有琴一其陰贊曰淳風雖邈  
正聲可招澁懷而作太古非遙予嘗擬澁懷顏其樓居  
前進士錢公思復記之且屬予為三疊辭俾弦而歌之

辭曰

伊美人兮好修表嘉名兮茲樓謝璇題兮蘭橈帶疏畦兮  
稼疇虹霓飲兮柘津魚鱉安兮橫湫山迢迢兮屏列木翹  
秀兮惟周琴一疊兮旭旦神超然兮天游

惟高明兮樓栖惟善良兮德躋充瓊琳兮圖史遠壻囂兮  
輪蹄酒介壽兮伯氏穀稠直兮編黎魚影行兮藻困鷄聲  
捐兮挑蹊琴再疊兮晝寂豁然呈兮端倪

懷之澁兮樓矗本漸義兮澹德烟千突兮弥繚雨一成兮  
旁沃開北海兮傾尊送中散兮遐目龜何曳兮泥尾馬胡  
拔兮塵足諒勞生兮烏休庸詠歌兮于勗琴三疊兮斯夕

月入窻兮露肅

懷哲操有序

懷哲美買閭教授敬親愛弟也惟敬愛也不以禍亂窮  
羈少渝焉構堂名一樂前朝儒公卿頌述備至而琴操  
缺遺故予補之云

朝堂兮誦書思君陳兮履約暮園兮詠詩思張仲兮履綦  
天道兮人事杓鑿兮齟齬茲樂兮蓋難匪人兮天與孝友  
哉先哲兮是懷弦琅々兮允諧樂得安兮众偕

題復姓卷有引

王吾有其先三世冒何姓吾有復之題復姓卷

吾人滅鄣兮范母適朱君子有不幸兮獨是夫王氏鬼餒  
兮魂神罔徂餘慶在子孫兮克孝克儒吁三世復兮一念  
孚

李廷重先隴詩有序

李氏世居楊魯大父汝楫墓在江都常樂鄉漫鑿橋之  
原大父卽棠祔焉大母周遭亂殞平山西金匱之原考  
秀成藏同軌鄉仙人溝之上妣王歿于戊申秋七月明  
年旅塋吳縣石湖之北汝楫子五可知者卽棠也卽棠  
子二長秀寔次秀成秀實子三長璿次瑛次玕璿子曰  
達道秀成子四長璧次瑄次瑞次璋璧子五曰恒曰錫

曰剛曰貞曰載瑄子二曰晉曰升璋子二曰益曰謙壁  
過予拜泣曰壁不幸游罹兵變自楊僑于松者十年載  
僑松者五年既未獲遷母櫬旋故丘又惧世裔所自出  
瑩兆之所在歲遠茫疎且犬馬齒衰晚旦暮委道路則  
弟姪散仕四方者無所考徵願有請予聞李氏素富殷  
薄有祿位于櫟殫飯飢衣寒藥疾義風行一門三葉迨  
壁廣學問而敦本復若是乃貽之詩曰

蓬累鸛食兮聖墓始封兮識之嗟世季兮累之翳描入  
也弗忘兮矧阡有表垂鴻征無方烏訛靡定丘首謂仁受  
命斯正世治伊迺天塹非限宿草馴兔孰云其晚

皜：客衣寄頽上康氏曹氏伯仲

二麥油：淮圻如稠若翟若獐充庶士羞伯也謂何政須  
于秋弋六匪我優五穀質：淮甸如綉若兔若鶴登百職  
豆仲也謂何須冬以狩弓六莫我穀維物有殖維心有惻  
馳馬走狗祇益狂癖矧伯仲氏皜：客衣賡歌月中勸酬  
落暉弗詭弗隨樂哉忘歸

壽晚潭一首時耆年作用自勉也

竹石洞左潭水孔晦蠅蠓曳衣葛木旆：曜靈西駕始大  
輝明風休漪平龜曝魚行天其頌朝降于晡暮倅然飛霞  
顏若為駐擁腫櫟樗同一春秋聖貴聞道夷俟奚尤維行

維果維德維育言非自文潭寔予勗

密室一首

中林有室小僅容膝匪膝是容于心于密異彼馬牛奔勒  
蹶韁燕坐之頃泰山毫芒尚無須靜學至渾鳥天真  
泊然世味聖人同仁不生藩籬非予獨善退藏維時

感衷四首

宋祖受周祥規模邁漢唐濂溪朔道統廬陵應文昌四嶽  
氣廓開二南風丕揚斯民躋壽域昆虫被餘光礼容脩毫  
髮天用啟後王奈何至元治首繼金源止  
乾坤秉陰陽垂星竅山川曷書兆文人礼樂徐用宣王霸

迭興夏夷獸紛橫邊琴製自有虞遺響何眇綿朔風日云  
涼及此遂絕弦卓哉元魏高後世疇比肩

獨立望大荒白日淪地驕 衆馬驤恍惚流雲駟施之青

絲絡被以黃金轡或空冀北群間有河洛志蓬蒿長益肥  
首蒂凋復稀生氣殆消竭何當馬知歸

陸機賦狹斜劉琨詠扶風見幾詎不早卒斃豺虎蔽私慕  
仲長統兼愛左太冲樂志泊招隱逸思邁雲鴻乾坤乱常  
多賢達命固窮由来商顏飢及見咸陽烽

題俞東岡六有齋

隱居古善人中歲稅塵鞅座陳五經傳捐揭六有榜儼若

上帝臨于焉岱宗仰昕矐貴循度瞬息戒或罔賓師臯比  
擁兒孫蚌珠朗將見一家學鄉術春浹盎世方驚虛遠俗  
復競浮獎不啻窺橫渠葦抗排風上行嗟清流輩既悼八  
厨黨何階名教間浩然獨還往月林函踈影溪嶼臻灑爽  
良覲匪後遲朋酒置犧象

素節堂詩

有序

素節堂詩為高州劉宏母夫人作也夫人廉姓思蘭名  
始良人克憲公以父諱道中憲使廕累迁西臺御史遭  
亂相望數千里外而夫人自儀真涉大江避地吳下時  
宏甫六歲冰檠自持教宏業詩書吳藩不守宏買田海

鄉昇夫人就養予旧与宏之先兄判樞交最稔至是以  
通家好邀予過焉堂適成庭梅盛花酒半拜請曰堂未  
名敢請予曰以夫人懿行宜名素節之堂遂書置卷首  
贅之詩云

孤根上春梅下有礫砢石高堂道冠帔徘徊暮雲碧石含  
望夫情梅結晚歲盟冰花影石面箇々月華清婉媮綵服  
即昔日錦褕嬰即延客戾止借問母姓氏夫是劉西臺祖  
稱廉孟子試看南枝露恰似初源水二紀百劬勞諸孫聯  
珮環青驄北從狩應過玉門關

留別張負外彥昇

虞棄百里奚齊賴管夷吾由來楚國材寔為晉所需世傳  
魏王寶僅有徑寸珠光照十二乘何益邦家圖客遊東吳  
間行李筆硯俱登高日作賦自比古大夫青々榛棘蠅或  
止几席隅秋蒸露不霜稚子候驪駒長嘯謝徐庶士元非  
鳳鷄

題心覺元上人觀露軒

上人吾鄉人跌坐中竺嶺澹然觀朝露月落萬籟靜豐林  
始如沐萋萃颯以冷石床仰嵌竇餘滴下微影世皆汨塵  
勞天或示短景忘言理深詣收視妙獨領茂陵和玉屑一作  
淒清燦有恂鶴知警雲深粥魚鳴盂鉢躬自整

題姚寔甫遷墓事後有序

姚本汴巨室屬靖康之難徙吳咸復仕顯至有元海鹽  
學諭君少即孤家始衰微曰贅華亭彭氏寔甫其家子  
既粗植門閥而先隴歲悠畧無聞乃日夕惕厲皇々然  
汲々然咨諸媼舊而物色之延祐甲寅春抵越首賴玄  
妙袁鍊師指示下九里祖妣周氏墓踰明年于所廬載  
獲畫像五恭定甲子尋次餘杭之咸林丘地則為族党  
鬻四顧榛篠又幸山人施姓質以曾祖承宣公曾妣劉  
氏墓所在繼叩古蕩僧舍并得祖保義公之骸函由是  
悉遷余山之陰元統初考妣歿遂祔塋焉夫以先世諸

遺靈散滯客土莫之宗依而十數年圖回經營乃獲安  
土于斯迄今四十餘載寔甫壽已八袞尚惧來者弗克  
遵所志而益惟先隴往轍之或蹈故著訓保永戒傲於  
乎寔甫可謂賢孝也已承宣諱日起保儀諱鎔學諭諱  
仁榮寔甫名碩號西疇負材犹弗仕子二禎泳咸讀書  
兵後予過烏徘徊霜雁風林之下寔甫泣然流涕以紀  
詠請義不得辭曰序其際綴以詩曰

郊畋弗射麝野乳犹名虎吁哉孰無生：烏詎無祖周基  
肇孔艱大雅莫殫數王風一淪變民俗日皆窳臬也前後  
巢頽影徒鴉：有美西疇翁孝執克循古先隴曠隔世雙

涕痛零雨蚤夜碗寐興乾坤跼仰俯越水上輕舸咸林艾  
藜莽窮搜道癯仙旁詢得頽父遺骸幾孤露寸心百勞苦  
一旦暢幽鬱群陰翕和煦端：四尺墓秩：余北岵劍佩  
儼丹青牲羞苾釧簋淒其羣萬達允矣精爽藪燭然既死  
灰系延垂絕縷寔大聲必溼氣蒸澤斯溥翁用享期頤子  
復膺福祐于時多不吊異物走旁午巢焚蘓臺烏凍羈紇  
干羽尔松何丸：落日予為撫江天雲弥極霜厓石森豎

夢觀閻元賓 有序

元賓乃丑閻御史之母弟也始御史直衛英皇時以父  
宣慰公廕讓累官監抗郡三年報政而中外亂雖累遷

仕意泊矣至正丁未秋九月吳藩為明兵被故官例徵  
庸元賓至則歎曰國危身虜尚有頭戴南冠耶遂經死  
平生善書詩治蹟多可稱焉詩曰

老存平生懷數夢忠良士大者為列星小者為厲鬼元賓  
高昌曹氣幹岳嶽靠始如月闔門繼猶風行水忘言異温  
序諒六思故里陰陽剝西極江漢洵南紀乞憐毛群中拭  
目歎死雉官知苦晚狗國歎局已鬱春陵作咄永  
體琴鶴就淪亡高樓笛誰倚

梵隆羅漢為廣化寺道無二講師題

應真將相姿云何與世遠時命殆齟齬冥栖遂忘返麟洲

水復淺螿磨日弥短花鳥春長年雲山不知晚

題殊一原上人習靜禪房

零虹跨飛梁二水滙祥澤僧堅菩薩行食衆業修白松陰  
地十柯三椽一管蓆其徒茲習靜灰念榴立春朧鷄抱  
子疊龜存息徐月中庭湛天四碧大千入毫髮非  
住尚何適自得何可云人胡落蠅役

送蕲山侍者遠遊

天台接雁蕩佛髻羅千峰萬石峭立壁儼若四果容青蓮  
出名藍練暴懸長松樵漁與農賈雜踏仙人蹤子持尺木  
栝欲盛百海龍霜降水且落中空可過冬冰解羅刹江徑

渡隻影從雲深飛錫遠前嵐巾衲重暮棲忘虎隣曉斷避  
蠲封諾師導禪學顛老指教宗益母花錦香回首東吳松  
王播會載至慎叩闍黎鐘

二烈詩 有序

義烏童徽母吳貴字良正同縣儒家女未笄歸徽父師  
姑嗜醇酎家固貧必思力致之盡醮姑沾醉乃已老而  
病滯下戊戌亂家人悉鼠竄吳獨侍側人呼曰汝不愛  
頭乎吳曰姑在妾將安之居無何姑沒瀕葬會鄰邑兵  
搆變四入殺人殺貨財哀號聲相聞人勸如前言吳曰  
姑骸未入土妾就刃下死不悔語畢撫棺長慟兵義釋

之去卒克塋師疾疾每發輒欲絕或丁盛寒吳躬焚松  
舫伐冰作湯飲久不倦越五年吳卒同郡宋公漁為誌  
墓烏傷里賈善妻宋嬖金華人性沉默寡言笑事舅姑  
無違礼事賈亦甚謹家政一切身之不以煩賈。曰得  
為善士己亥冬兵駐蘭溪賈携嬖避入浦場城竇山中  
鄉無賴乘時亂肆掠俄突至勢且迫嬖惧侵已擲袖銀  
于地且給曰吾有珠若干藏近所乃脫身走投絕澗以  
死明年郡守王宗顯為表墓立傳云徽一日奉予書一  
通連誌傳二且曰徽娶宋氏女庸乞詩文併垂將來予  
惟徽辭情懇至遂如其請

風柔春輝月幾人百兩婦麗譙傳清漏芳園帶香闌魚  
藻波泳燕了杏梁飛緣情秦養樂轉睇暮露晞深山故家  
女釵荆澹衣苧姑病躬致漿兵臨命輕羽貞珉表令守遺  
墓式過旅洞溪蒸氣合金婺耿光吐奢沃母足唾名節千  
世儀薈樹根裔壤本性移輒萎當階將離花為他媚韶姿  
二烈歌道達奚翅規買絲

牡丹盛花因記新利安總管言賀丞相惟一春帖詩  
有一門生二相獨樹發千花蓋牡丹也酒間遂述一

首

東風不成寒輕雲淡晴陰露朶曉殊重天香午弥深落花

入盈尺唐玄獨育心迂思賀相第父老小車臨

讀宋俞文蔚吹劍錄一事有感有序一云文豹

吹劍錄載括蒼梁民懷首倡民兵捍禦方臘有功郡縣

議上聞民懷不肖既得子名安世年十九登科民懷以

壽終鄉先達江朝宗挽曰四郊多戰壘一郡少儒家氣

槩劍三尺義方書五車野無人白骨門有子青緇陰德

看飛李無言春自華安世字次張官至司農丞廣西漕

予竊感江陰東八鄉得免兵禍者再一以壬辰冬一以

丙申秋此人所共知出于予言已略見周侍御梧溪集

序又秘書鄉貢公題楊提學梧溪子小傳後云梧下忘

年友兵聞著義名片言回楚使千里系周正奴返前州  
牧金辭巨室甥猶聞多士感蘊學与常城盖補書遺事  
罕有聞者今湯錄民懷序後非以安世望子而家全乱  
餘身老海上用自慰幸詩曰

酒熟臘中水鼓梅春復深池臺萃幽勝泳飛自魚禽偶觀  
吹劍錄遂賦懷梁吟大功不受賞清瑟有餘音相如漢名  
儒蜀檄甚秦金味嵐廓雲間桑梓餘蕭森千載一魯連全  
齊歸海濤

趙善長山水

畫師今趙原東吳諒無隻寸毫九鼎重烏獲力靡扛翠樹

擁羽旂深崦敞雲窗參差見壘笋不無酒盈缸老山石黃  
色挿脚琉璃江隱若赤壁壘勢壓曹魏邦何當柔猛虎蛟  
鰲遂我降欠伸列仙崖噴咳漁蠻缸

曹雲西山水

世治多<sup>福</sup>人時危多貴人貴人乃鬼朴福人真天民緬憶

曹雲西生<sup>死</sup>平太平辰高秋下孤鶴想見美風流苑露擇  
間幽水石濱漿打甫里船角墊林宗巾往訪趙松雪滿  
載九峰春<sup>酒名</sup>斯苗作何年投筆為嘅呻池廢餘野鵝井

深搖青蘋

奉覽龍井倡和什為曦南仲上人題<sup>有後序</sup>

竺源龍象國齊州鳳麟苑千齡始彙應匪維晉陶遠維  
萃秀靈梅柳並清婉湖飲六綵虹磬殷疊翠嶽悠然冰雪  
外竝錫筵軒冕蒸章媿蘇黃泉思湧叅辯間含棘林香  
味御厨雋遺珠信僧宝了不見兵燹蒼寒境四寂手之不  
釋卷藤花墜來深松巢白雲偃

右鄧匪石虞道園二司業俞觀光先輩与澄湛堂 無  
亢濟天岸若季蘅四法師及匪石子衍同遊龍井倡和  
之什後和者張晉公仲舉時為布衣未起實出 山村  
先生門徐則芝石虛谷方先生弟子也劉師魯則漉後  
月心先生之子碩仁甫陳守中玉性存並石塘胡先生

之門人予聞之前進士錢思復云因附見焉使來者知  
當時<sup>朝野</sup>人物之盛蓋不減蘓黃叅辯諸公從遊之樂也夫

湖山自吳越迨宋元數百年形勝今為墟莽緇素文墨  
淪棄何限曦尚寶是卷哉曦湛堂曾孫

信州靈山雲笈鍊師言石丈峰甚軒特曰獻之

靈山七十峰石丈壓中外吐納日月華傲兀風雨晦瑤草  
春卷髮蒼松寒蟠蓋無時丁甲朝空翠鐔劍珮師還笑其  
下 領增爽槩剉影一壁陰魚鳥並驚潰今茲天悔禍請  
為 敵愾東岱西青城相望孰為大坐令丫頭岩辟易

狐媚

靜坐林屋餘清洞有懷旭元明長老郭栢岩尊師  
老惟一切澹恬靜獨觀團蒲躬夏携就石坐幽綠衝波魚  
拱立入草雉馴伏雨露詎子私物：几並育鶴回維 駕  
席禁東林足高踪何當偕及茲黎筭熟

題陳子章先世所藏剡源九曲圖後 有序

陳氏為奉化著姓粵自始祖崇在季唐使吳越遭中國  
亂就吳越奉化尉卜居剡源鄉介剡縣東距奉化二  
舍群山夾嵩溪：發源大雷岩谷中一曲曰六詒王右  
軍嘗宅是晉徵之凡六遺廟石研尚存二曲曰黃沙水  
合奉化子文雅以潛學稱吳越忠懿王枉駕頌之地曰

名駐驛後文雅仕宋至殿中監三曲分兩湖厓壁翠峭  
林壑繡錯有石幙頭狀而淵潭靚湜魚巨細畢見號小  
小盤谷焉曰坑石恠狀不一穴而深者井若窪而露者  
曰若此四曲也五曲循蓮葉峰峙三大石溪澣既而三  
峰挿雲一石室可坐數十百人其上字二曰丹霞類朱  
書中闕一洞尤冥窈莫測識即雲笈七籤所云丹霞赤  
水之天者下乃陳文簡公題故第六曲茅渚則奉化公  
所築之所七曲會于班溪八曲至于高嶼于雪竇于公  
崇公崇者由孫興公植崇而名于是九曲盡矣溪與山  
綿迤北東百餘里直抵鄞江其佳隴膺田入陳氏十五

六陳歷百世四百年族蔓衍四方寔唐相夷行後至今  
昆仍多才德若朴其一也朴文簡公六世孫祖秘監著  
負直即賈似道忌之遂弗仕伯父深沆洽与父泌並仕  
元儒學官詎非山川所鍾造德澤所深厚而得蕃且久  
耶朴字子章于逢寂友善遭世運屯歸畊願阻曰道地  
里家世特詳俾序詠曷後以攄孝衷云耳詩曰

慶門日滋德後昆代承儒匪惟守成緒將以宏前模三辰  
迭晦韜群雄相剪屠始甘餅居井中駭矢脱弧矧復喪亂  
錦常与憂患俱葵葉衛本根烏悲戀故都東風幾变柳落  
景尋照榆青山在佳白雲悠孤金石保遗体詩書傳  
阿符予交二十霜情誼骨肉踰思釀粟里秫各厭松江菰  
載拜剡源曷重為吾道吁

覽安東俞郎中詞翰為其子鎡鑑題

軒子吾故人不見十餘載雖無田園歸而有篇翰在長星  
簞朔野鉅水王淮海杖策投青齊郎署旦無待華亭淚鶴  
遠終焉同一嘅草春還萋雲午六霽雙駒幽林下迴  
露五花采何必山公託孝行鑿真宰

寄題歐陽文公所撰前侍御周公伯琦曾妣方氏宗

封安人元贈鄱陽縣君墓道有序

方氏浮梁素封之家也縣君性夙慧通書記女紅皆不

習而能既筭擇配遂歸鄱陽周進士灼克奉舅姑謹宗  
祀嚴饋職進士以文聲多致賓客好治具用或不絕縣  
君每質貸應所須嘉定中進士年三十六貢于鄉尋卒  
縣君三十餘一子生五周星一女又少二齡進士之父  
迪功府君尚在而耄哭子不復理家事踰七年卒先疇  
幾何不為其強宗所年寇縣君清儉勤苦恒躬機織子  
女啼飢則下機哺乳訖又織如初寒暑蚤暮治生不輟  
歷二十餘年樽積贏羨教子娶婦且治其女婦歲歛穀  
踊視已所儲可以旁及即綢價并制其多寡咸使沾飲  
里人德焉子虛刻志學問以才氣自奮年壯連舉明經

為一時巨公所推敬淳祐丙午免解遇明堂恩封母安  
人咸淳甲戌登進士第明年為德祐改元宗事已亟天  
兵圍饒守臣唐公震偕江文忠公萬里城守縣君母子  
入保郡城俄疾卒壽八十二倉卒不能棺文忠雅善皇  
贈美楨又哭奠之如母治命毋用金玉歛饒陷環城墓  
皆發獨縣君殯無恙至元二十三年春徙殯浮梁之湖  
田鳳池山至正辛巳以授經即偕六品曾孫伯琦請于  
朝上特寵之乃以孫集賢待制應極五品秩推恩追封  
鄱陽縣君是年翰林學士歐陽玄銘其墓道碑曰縣君  
歿年宋已殆揆厥初生迄聖代其間一百五十載有形

斯世靡不壞所不能壞節與槩周氏不絕愁如帶一婦  
人力俾昌大蟬聯簪纓至未艾祖父齋志日益邁惟尔  
曾孫富修能天光下燭朗幽俊造物章善不可蓋太史  
勒紀銘其竄一言以蔽曰有待至是梧溪吳城破後時  
公致仕五年矣將盡室歸鄱易矣也以書連歐陽公所  
誌徵詩且曰幸附梧溪集傳焉逢窈嘗感公贊先子庫  
使家訓母氏李賢行微以報効今承茲命義何敢辭敬  
叙而詩曰

嘗觀瀛岡表西江月同耿茲讀鳳山碑番湖天与永夫人  
夙秀慧犹玉潔珠罔琴瑟弥和樂枕席遽孤冷訓兒儒登

第奉姑孝稱境勤；寒梭機縷；露髻縷；鬢雲斜變  
日幾弔影壽終殯吉壤了不見兵梗姜源昌有姬宜尔後  
彪炳恩榮兩朝被操行百世景曾孫古端公五載謝朝請  
金湯夢震懼松楸思悲哽吳藩隳久戰愁遺由天幸尚荷  
揚淑靈歸帆鱗風靜

同楊道甫孫大年遊龍江寺觀宗寂法華碑

潭泉滌煩悃涼風洒稀服間持長柄塵坐繞東林竹密含  
松鳥青迴帶川苔綠蓮花古石座昔者踞白足義天日月  
朗法席龍象蹴烈士漢沉光異事碑陰錄渙然茲冰釋鬱  
矣久蝸縮同鄉厭辟地庶以蹤游瞩

尋李景先醉眠亭故基既觀米元章所書塔碑  
落葉風日暮驚鴻閱河夕聊托高世情獨訪先賢跡涓  
張翰酒脩：既享履還念避世朋投詩慰孤寂

題方德玉提舉先隴瑞芝卷 有序

德玉名廷瑾其先河南人以武入官扈高宗渡江遂家  
臨安至六世祖茂榮昭慶軍承宣使生椿年榮州防禦  
使生待舉恩州團練使生好問殿前都指揮使判太医  
局生中廣東提刑亦判医生壽孫仕元廣平路医学教  
授咸葬龍井之方山其地負金鍾靈石粹淑氣寔萃焉  
至正二十三年夏四月芝一本產指揮墓屬莫勉為誌

廷瑾廣平子也由世業累迁江浙医学提舉過予客樓  
有請因序而詩曰

巉巖金鍾山迤靡灵石原七世二百稔一夕芝秀繁恒心  
暢條葉武德培本根華滋承珠瀝暖艷迎丹敷高廕山上  
松旁映石间蓀泉闥久深闕玉氣逾清温盛事紀里儒嘉  
祥萃雲孫李陵諳閣疏单師戎蹂蕃敗降族致夷寔偕秦  
將門水樓動反照風蒲翳漁村京觀方樓然静言思岐軒  
斯民續命脉萬古春乾坤

寄贈盧宜興希文名僧孺祖淇河南叅政父景盤陽  
總管叔摯翰林待制

昆侖秀磅礴厥產皆玉璧孔林植材幹後凋貴松柏盧侯  
 澶淵英氣節金礦敵累迂義興守百里涵春澤邠魯聲教  
 被荆楚風俗易中更國務殷募壯親破賊辰謂冬蛟潭日激  
 碧，帶桑麥後來二漂沸具區先盪激寸地街犬牙四  
 頑心獨赤夙駕啟衙叅露香對紫極蕭條土著戶効死仍  
 戮力復覩司隸章遂謝廷尉客野馬空廐水鶴巢荒宅解  
 后傷亂離慷慨數向昔妙年直中書天威遠只尺忍花明太  
 液午月朗未央夕鞘鳴慶雲擁鶯歇清漏涌后皇不愛寶  
 累若咸率職大父与叔父竹帛映翰墨籍甚先府君八郡  
 收殊蹟一門萃忠孝三世遺清白寔予晚交好盡負崖谷  
 僻跡忝王君公夢遠劉立德依，尚方劍懸，陶侃甓時  
 當天心回餅酒思對漉馮唐元晚遇賈誼曾 前席熙陽  
 釋泣寒梅柳各有色願言副深期再舉對鶴吹洞簫露葉  
 淨然落高樹

題崔白百雁圖

為宣城黃宜之題

老愚離群影夕孤客來笑示百雁圖措移試數失两个莫  
 喻画意翻令呼得非長門報秋使或是大窖傳書奴不然  
 一舉千里高鴻俱其餘澳汨碌瑣徒且啞且息翔且呼營  
 營鄭圃之稷睢，齊海隅之菰遑知尔更啣尔蘆菰肥卒  
 至充人厨小而曰騏，就斂迹聞澤梁池禁官罷虞麋鹿

魚鱉同少蘓羽儀好在春雲衢

金世宗太子允恭百駮圖

金家武元靖燕檄嘗誚微宗癖花鳥允恭不作大訓方畫  
馬却慕江都王此圖遺脫前後幅尚餘龍媒群角逐息鷄  
草黃霜殺粟王氣榮光等蕉鹿山人塵迷朔南日溪頭姑  
飲歸田犢

高尚書墨竹為何生性題

嘗寫竹自題云子昂寫竹神而不似仲賓寫竹似而不  
神其神而似者吾之兩此君也為浙省即中會經理田  
糧致甌婺小梗遂焚舟罷免民至今德之

子昂寫竹而不似仲賓寫竹似而不神茲觀房山隼墨  
君素節抱霜臘翠葆擁露晨文蘓隔世同超倫左司昔焚  
經理冊至今遺民手加額使槎既泊桑落洲仙仗頻扶搖  
翼

讀余季女懷其夫水宗道詩 有序

予友賴良言鄉人余季女台州臨海儒家息也有容德  
善屬文當元盛時贊同郡水宗道甫踰月水具見余才  
過柳絮學不彼若輒辭歸閉門讀書久不返余取次裁  
九章招之水卒不赴及余病且死水夢余訣別曰某委  
蛻矣子盍送我既訃至今存五章其首章曰妾誰怨兮

薄命一氣孔神兮化生若甌春山娟兮秋水淨秉貞潔  
兮妾之性聊復歌兮遣興二章曰夜夢兮食梨命靈氛  
兮与予占之曰行道兮遲：歛角枕兮粲如風動惟兮  
心悲而悲三章曰雲黯：兮雪飛棘夫子介兮如石苦  
復開兮不得望平原兮太息涕泗橫兮沾臆四章曰  
送子去兮春樹青望子來兮秋樹零樹有枝兮枝有之  
英我胡為兮筑：子在此兮山城五章曰織女兮牛郎  
豈謂化兮為參商欲徑度兮河無梁霜露侵襲兮病偃  
在牀嗟了夫子兮誰与縫裳良以余生而淋敏不得于  
夫死而心聲託宣于世不亦幸乎曰如良請而系以詩

曰

鳴鳥常分飛睢鳩無匹居牛女永相望何但人間妹郎情  
澹琴瑟即志敦詩書期攬日月光下照薄命軀雲纒諒高  
遠霜露歲忽除思紉逢掖衣將數振將迎垢豈謂朱陳邈  
乃至秦越如庭芳栖熠燿塔苔上虻蚶疾缺大丹越神隨  
清漏徂九章極擬騷猶蝸蛭塵區鄙哉白頭吟文園歡若  
初團扇詠信美長信燈同孤睽合數繫天不與才与愚藁  
砧苟富貴同穴義母渝

沈一中為修秋堂風露琴先寄八句期過寂閒園館  
一日焦尾脫十年孤鳳暗忻遭運斤手妙得斲輪心溪館

茗烟薄石牀蘿月深携之宵枉過側耳揚秦晉

贈雲外道者靈保治中

有序

予過吳江洞同里真觀黃碧岩丹房會雲外道者曰木真氏  
名靈保字祐之嘗為鎮南王長史統騎兵五百人征汝  
葵妖党以功聞賜金幣上尊陞司馬至正十六年三月  
長鎗軍師張鑑叛據揚州王退駐淮安時憲使楮不花  
拒城寇趙負城胡陳寨首鼠兩間靈保說胡誘獲趙人  
畜千百計既飢軍民相食數求老張平章援不為應復  
將王命問道走京師告急大臣嘉授濟南路治中議督  
諸部救十月城陷不花抗敵死王被執逾月不屈妃某

偕水妃馬靈保得王凶聞由海趨浙遂寄點老氏蓋  
數年矣与之交旬日意氣殆欲相從于閩風之上者曰  
壯其前高其後序而詩曰

菲衣麻屨今道者元是親王右司馬雪尾羔羊蒸瓠肥金  
盤露酒明河瀉主畫才優彤印間督戰功收霍丘下濟南  
別駕本遙授誓欲勒王靖草野先時張鑑叛揚州孤軍退  
在籌邊樓老張平章擁精銳間道蠟書躬遠投近郊雖順  
等狼子千里橫亘長淮鱗鵠形徒志牛後熟龍種竟逐鷓  
夷浮中昏血淚零雲鏃落景荒寒影慘獨去燕留吳百  
蘓臺又復遊麋鹿三萬頃湖七十峯一筇一蓬娛老足

胎禽將鷓鴣桐白華遇我黃石仙翁家藥珠真經口暗誦滿  
月澹暈天東霞來者玩迅電往者歎逝水擬招安車期生更  
拉倥佷子閭風共揖長瓜姑試問蓬萊清淺還有幾

覽宋幽嶺巡檢史公官誥為其十世孫女懿題有序

公諱 鄭州良家子也勇而善騎射初川陝宣撫司

試進義副尉會金人深入遂補職戍關隘輒以能聞川  
陝不守公隨師單騎外擢下班祇應紹興二年改進義  
校尉高宗駐蹕臨安徽扈駕迂進武校尉劉倪起草竊  
公計伏大黃殪所乘馬將跡捕之調役淮西至則陷堅  
櫻老銳率先士伍累陞歆武郎時遐僻儉民胥煽募掠

公引老乞自效朝廷由是出為湖州安吉縣幽嶺巡檢  
凡數年萑澤政修外夜戶至不閉乾道三年冬十一月郊  
祀大赦以恩贈父宥忠訓郎未幾卒後八世孫昭始徙  
松生文德讀書好義生子翱女即懿配張守中予友也

詩曰

諸生張雷忽我造恭呈十世外祖誥且云母氏徵紀述風  
來如哀竹如譟一身是胆心匪粗角弓二石丈二爻掄材  
虎落假五百注視鹿柵空千夫陝氛障日川溢野隨師單  
外与頓舍殿前徵扈南渡龍草間掩殺橫行馬金人踰淮  
數櫻銳髮短宵長言輒涕甫忻幽嶺長厖麓竟臥寒雲斂

猿臂君不見安吉山開天兩目瑩直龍驤劍光燭梨花縞  
白薤葉青杜鵑弗為英魂哭夏畦鬼有祭几多德不稱位  
昆無續我招以歌酌以卮魂久屈蠖伸維時於乎女孫亦  
足輝門楣女孫亦足廣孝思

題鳳山時思寺寧無為講師所藏嘉定己巳曆後  
前朝統天曆一本寧師裝潢藏益謹陵墟社屋垂百年思  
澤在人元未泯當年君臣苟安計士馬遂巡略無氣儻言  
幸斥佞曹党儒林爭覩文公謚字落乾坤又此時衣冠不  
競曷勝悲春頌鳳紀難再得泚筆龍池寫秋色

海陵袁智周佩刀歌有序

智周字濟道世為丁溪鹵戶至正間父不受戶甲非辱  
死智誓復仇陰佩刀伺間便凡六年甲為人所害既亂  
有司禁持兵者刀棄之邗溝其終天鉅痛則無時釋焉  
儒先爭唁以文予作佩刀歌云

鹵豪煮海地沸蒸忽報孝子蒼天崩披髮誓雨雲若磨百  
金一片陰壑冰六年泣血絳雲凝悲風淒常夜興妖狐  
戴髑鬼物馮含沙射干左右肱陸阻習坎渡阻溯歎歌獨  
漉氣填膺刀亦汝知龍梭騰神鋒寒芒鐔威稜仰號彼蒼  
奚瞽斯須間隙不可乘坐令骨立枯厓藤墓廬青冷松  
明燈矧有母老鬢鬢破涕為笑躬豆登無何仇家鉅棘

矜臭肉獸飲蚋與蠅天其假手俾世懲人生五倫首父子  
復仇義昭春秋禮見遺刑書著諸史宗元義足垂千祀倒  
行逆施伍負恥舞陽吉 同轍軌老涉遲鈍幼超偉因闕  
時命非偶爾嗟鄉避兵家轉徙事往行存宜繕祀醱醢花  
香鯉搖尾矐然雀行過客却欲言復吞髮颯耳婢；猶嬰  
暮鳥已酒酣問刀首如兀忍歸武庫投邗水；收烟消淨  
霜葦電光霍；無時起安得河泊以罇授烈士來丹積寬  
從一洒

哀張生處道有序

淮人陷松生時營祿養于抗還省不可得行泣道左適

帥某帥戍嘉興即馬下跪白故帥納焉從次茶縣院夜  
遇襲兵害

松江二月吹淮塵彷徨道左高堂親側身以歸或得計赤  
眉曾全蔡順志託生寄死將軍義襲兵卒臨孝子斃一雌  
現妖墓群雄鬪長蛇羊枣隕寔萱鏟芽風驚雨啼白脰鴉  
世罹亂殃子無獨嗟

申之水三章題季子廟有序

廟在申港大阜上去阜二十餘步有田二畝名池子區  
相傳呂舍人花園也呂氏宋末官閣門舍人方治園時  
夜夢神人告曰吾吳季子也汝將鑿池處吾寔墓焉汝

能止鑿吾能令汝世々富貴不然將絕汝世呂不之信  
明鑿池及土深見巨首圍五尺許始驚絕亟令瘞今廟  
後已而呂氏貧喪果無後地主王明老嘗記以詩至正  
戊子予躬謁廟下曰感其事為賦申之水三章用追吊  
云

申之水黃淤々上流孔湜言薦君子城過百雉地千里高  
視雲霄同敞屣至德餘風振墮靡嗚呼沒也諒若休惡戚  
戚髑髏延陵露白黍載秋

申之水淤々黃言載薦之采蘋盈裳昔者奉使聘上國腰  
下寒芒劍三尺心許徐君終不易嗚呼沒也諒速朽髑髏

胡為有贏得艸凄憐夜走

申之水達于江卮酒載崇炭車來降素王轍跡絕南紀十  
大籀書日星曄高名將同天壤毀嗚呼達人道与徒灵剡

剡其俱劍池水 赤虎亦徂

題邢三姑廟

祖龍之世邢三姑事跡缺載鬼董狐相傳有功澱山河百  
媪畚鍤當先驅地有百婆橋至今雕櫳映銅鋪祈祥弭患無日

蕪我嘗舴艋駕眇軀遡風遙禱輒感孚幾年思報々以詩  
身寢衰病思滋枯茲夕天倒白玉壺初月迥朗長庚孤蒼  
蒼淡烟斂平蕪冰姨水仙率啟途異氛醇々掠鷗淑妙音

設、來鸞衢袿衣絳緣彷彿見采旄挂旗恍惚俱若將有意遺珮珠偷烏而臨倏尔徂坡陀肅入一姬巫亦望文士如韓蘓二公湘廬神匪誣私恨不至吳東隅永池盜摸金雁鳧馳道海鬻餘萑蒲長城陰灵夜哭天毛女來客猶趨避粲哉三姑應星漢啖芝四皓隱德符四皓一出名漢都孰愈萬死澤誕敷邈与造花長為徒

贈李隱居廷童

李隱居生不願揚州鶴老不願傳舍魚鳳嶠西丈室廬瓮儲厚酒盤嘉蕘小宗避亂忍隳祭義方教兒猶買書畊存寸田藥在籠杖榮古道致為瑤長林送籟虎跡遠滄雲

涵間鷗巢虛奈何獨遊搖落餘李隱居小寒大雪歲且除鶯辰好伺山人車山人亦与世久疏

完哲清卿宣慰寄玉珮環：後盜追述一首

古玉佩王不去體涵養性情非事靡粟蠶名義本衣食雲霞象文藻鑑德將軍寄來玉三色金源大臣曾宝惜紫葡萄覆獲狡猓宣斲露瓜相狎嬉黃猓下視威若怒青猓仆仰如知懼夷風流習制度疏匠氏矜能毛髮具我加帶束躬采薪兒童笑倒父老嗅雕螭盤繡珠飾巾鵠觜宮靴方稱珍君不見玉魚殉塋亦婦盜歌詩永識將軍好

唐昭儀李漸榮辭

日繫包桑地瓜剖宮闈去尺非唐有庭春草合車斷音忝  
備昭儀奉卮酒御香紫袖纖垂手載拜載祝南山壽龍須  
席展轉運炬移狼角斬天豨突牖不辭隕命同君后女三禍  
前妾忠後無人為語巢賊奴莫使兒知環柱走

宋婉容王氏辭

願佳君元祐遂云在徽宗北入四太子請王婉容妻粘罕子上遣之婉容大  
原吉坊于忠孝所義之事佳三政哭曰何忍一身事兩主就輿中奩刀自刎死太子歎異  
意為表微闡幽美不勝記亦特採擇地塋之且為立碑曰貞婦家事載吹劍錄  
其尤者錄之云二宮有警無嚴蹕賤妾徒為虜雖正假如青冢向黃昏不  
若金刀昭白日血濡一縷顏隨終身烟沙漫、霜雪容令人

想見旌貞石氣敵雙高湖上峰

覽曹架閣祖平章画像父河中府君死蹟有序

平章諱立大同懷仁縣人材器剛方獲侍武宗潛邸既  
國族不靖北征有功帝即位授浙省左丞歷三瑩中丞  
中書平章宣政院使薨府君諱觀起中書直舍內載使  
出知浮梁州會徽寇入浮梁率義壯巷戰死詔贈中順  
大夫河中府知府爵譙國郡伯架閣名莊自中外亂野  
處餘二十年至是宴予別業奉平章画像府君死蹟拜  
請文予嘉莊孝謹且聞客朱負外言大曆初東南飢重  
臣恬樂燕安民獨罹訴平章馬首大蔭廩賑之併錄而

系以詩曰

前朝衛霍許史門如市如沸今荒村老夫散跡江海上目  
 豁心快平章孫平章武宗潛却日洒掃月窟安天根帳下  
 虎牙嚴校尉道周鵠杖荷生恩劍鋒差：鍊光冷画像凜  
 英氣存中書直舍乃冢子精金美玉聯弟昆雪消秀翠  
 北臺翠雨過沙走長河渾醉看暮獵縹半臂躬扶春犁朱  
 兩輻浮梁力戰死民社譙伯寵褒來帝閣 令賣國 即  
 等喘汗俯愧聞風奔傳曰仁者必有傳况復忠節名乾坤  
 將軍曹霸舊為庶孫也毀冕甘丘園菜無盜跡柳罷髡鵝  
 鷺唼：桃花源獨扉板白東瞰鹵九閭雲紫西浮崑二雒

犀角殊厖散所衣尚是繡芷尋騁燕鳴岐盖未易量也落  
 日載舉雙犧尊

夜過蒼畝江隱居

白茅蕭：風色昏歸人自語烟際村我騎蹇驢童抱尊記  
 得君家忘却門徑穿竹入背江路傍是梁朝敬宗墓月  
 岳星有斗若趙若李俱不朽

誤以他物下半合此首

當係抄時脫  
 華籍行記  
 卞衣垂老神交客維山有

朱澤民雙松看為夏老圃題于綠陰清畫堂

征東提學古韋偃手寫落：雙樹松深根本托夏氏社高  
 節宵受羸人封蒼然秀色入野濶勢孽蛟龍欲飛活白日

系以詩曰

前朝衛霍許史門如市如沸今荒村老夫散跡江海上目  
 豁心快平章孫平章武宗潛邸日洒掃月窟安天根帳下  
 虎牙嚴校尉道周鵠杖荷生恩劍鋒差：鍊光冷画像凜  
 英氣存中書直舍乃冢子精金美玉聯弟昆雪消秀翠  
 北臺翠雨過沙走長河渾醉看暮獵縹半臂躬扶春犁朱  
 兩輻浮梁力戰死民社譙伯寵褒來帝閣 令賣國 郎  
 等喘汗俯愧聞風奔傳曰仁者必有傳况復忠節名乾坤  
 將軍曹霸舊為庶孫也毀冕甘丘園菜無盜跡柳罷髡鵝  
 鷺啜：桃花源獨扉板白東瞰鹵九閩雲紫西浮崑二雒

犀角殊厖啟所衣尚是繡芷尋騁燕鳴岐蓋未易量也落  
 日載舉雙犧尊

夜過蒼啟江隱居

白茅蕭：風色昏歸人自語烟際村我騎蹇驢童抱尊記  
 得君家忘却門徑穿竹入背江路傍是梁朝敬宗墓月  
 中對鶴吹洞簫露水瑋然落高樹  
 岳星有斗若趙若李俱不朽

朱澤民雙松為夏老圃題于綠陰清畫堂

征東提學古韋偃手寫落：雙樹松深根本托夏氏社高  
 節宵受羸人封蒼然秀色入野濶勢孽蛟龍欲飛活白日

風雨從震凌青陽造化先迴斡散樗灌木不敢齊恍有仙  
鶴時來栖杜陵九原如可作拭目清晨應重題

題徐子脩溪山風雨圖

群山岷搖雲四襲大木低細小松揖陰舒陽翕神鬼交澗  
溪谷溢蛟鼉立一人正涉險畏途老馬旋灣僕且痛垂堂  
遺體弗戒謹卒跌祿利名貪愚泊舟者誰西沙溼恠雨盲  
風若知避苟能六鑿同天遊靜觀大化真兒戲徐脩徐脩  
雙鬢皤盍為別画瓢春窩老夫小車花外過

葛稚川移居圖為友生朱仲矩題

名禹方

典午三綱紊無紀賊奴內向伯仁死辭徵尚蹈公以此終

托丹沙去朝市千年盛事傳画史野夫獲睹朱氏即壯肩  
餽糧幼琴几杖懸藥瓢風靡長襦老婢手執箠躬驅其  
羊；碩子兩捷受牽頭角頗<sup>麓</sup>齋<sup>麓</sup>殿隨亦析喜公披仙徑  
瞳炯水琅；餘音况入耳後駖夫人謝釵餌膝上髻嬰玉  
雪美勾漏尚遠羅浮迹若有函關氣騰紫天丁山灵狀備  
危開鑿空青洞扉啟雲霞輸漿石供髓二鹿精華晨夜委  
金光秀蕨三花藥飄；上昇碧窠止同時許邁行加砥一  
門翁孫良可儼波散豆者顙遺泚嗟今凡民苦流徙落木  
空村淚如洒

唐子華知州山水為王致遠題

天曆己巳庚午間每從鄉執承公顏公曾任江陰校龍翔畫壁動

宸聽歸來官舍餘清閒忽思霽雪溪山好溪光不流山色

老懸崖怪石鬼星面號寒枯梢鵲僵爪長途泥濺馬衣濕

蛟宮鱗潛魚罟入携琴伊誰興弥集蜿蜒雙松夾而立公

乘白雲何所之此幅乃是臨郭熙亂中金玉軸焉有能以

善守方世竒為拂尔塵題我詩我昔俊髦今我衰

題光孝寺訥無言長老所藏画龍何敬仲博士題云

道人画龍，絕竒何處人間曾見之上京清暑朝初

退太液池边看雨時

宇南自是冀北駘醉墨朝幻出天龍奎章博士既家食一詩寓

意懷文宗鼎湖攀號不可得虬髯倒景黑似掀金陵

之画壁反顧蒼生望雲霓詩成悅覺龍吼霖雨化作山

人相酒

趙文敏公山水為董竹林山長題有序

公於画左敏題云至大三年六月望日為吳彥良画并

詩有岸靜樹陰合溪晴雲氣流之句想在鷗波亭作也

彥良嘉禾人

何山弁山秀可掬上若下若蒼苔綠翰林學士偶歸來亭

倚鷗波送飛鵠：飛盡没滄茫境衣上青天倒搖影鹿頭

舫子湖州歌想帶南風覺凄冷水盤瓜李進仲姬管夫字生

綉画就復題詩鄭虔三絕世無有於乎何幸再見至大三  
年時

題趙善長為李原復所画山

日光青寒殺氣白山童林髡水縮脉城春墮指株送餒莽  
蒼坤輿大宵宅齊東趙原吳下客辭營養母韓康陌酒狂  
忽憶雍熙時画法荆関海岳窄魁峯傑嶺大將顏秀崖峭  
壁仙鄉班雲嵐翁勃蒿華表石棧犖确嶠函間暈飛樓閣  
深翠隱獸群遠點人烟近一瀑天垂雪練紳萬松花落黃  
金粉森羅翳榭杳莫盡若聞行歌採芝困旁观众攬攘妙  
洒獨心苦神工精會合鬼物毛竦豎桂燮扁舟露沙淑磨

輪新坊俯場圃雌伏鷄巢懸在梁磬折田翁飼其犒土膏  
不假酥雨潤帘脚似逐東風順貢聯包匭旅裹粮驢驅馬  
馱力角奮怛然閣筆淚滿腮龍席虛臥深陽臺累朝德澤  
百年運短褐老去江南哀我詩題罷春潑眼又見他鄉鴻  
雁回

宋制置彭大雅瑪瑙椀歌周伯温叅政徵賦有序

今太尉開藩之三月適江浙叅政周公分省江淮延飲  
齋閣歡甚以予避地無錫說王左丞晟勸張楚公歸元  
特出瑪瑙椀曰此宋彭大雅燕饗旧物子才器足以當  
之遂引滿酌之再氣酣思湧率爾走筆以紀清賞非求

知他人也詩曰

元祐遺云小序与列朝詩集所載稍有异自

淮藩開吳豪俠滿歌鍾地屬姑蘇館相儒獨為緩頰生為  
 出彭公瑪瑙椀血乾智伯骸不腥黃玉瑩錯紅水精妖墓  
 蝕月魄半死虹光霞氣歎且盈天忘隱若陣偃邊將營彭公彭  
 公古烈士重慶孤城六勞止天忘西頌二十年畝盡東南  
 數千里武侯祝文何乃偉敗由宋祚民今祀太湖底寧魚  
 米豐官廨喜与間門同酒波椀面動峽影想見制置師犒  
 飄風中再酌庶沃礫磊胸君不見漢家將軍五郡封班氏  
 天与世史功詩狂物諫客吳越存心唐室人憐忠嗚呼尚  
 友吾豈敢醉墨慘澹雲飛鴻

